



Riksantikvaren
Postboks 8196 Dep.
0034 OSLO

Dato: 25.02.2016
Vår ref.: 2014/24411-5
Saksbehandlar: inggase
Dykkar ref.:

Prioriteringar for kulturminneforvaltinga 2016. Saksframlegg og politisk vedtak i Fylkesutvalet - Hordaland fylkeskommune.

Viser til saksprotokoll med politisk vedtak og saksframlegg frå politisk møte i Fylkesutvalet 29.01.2016.

Per Morten Ekerhovd
fylkesdirektør, kultur, idrett

Inger Lena Gåsemyr
seniorrådgjevar

Brevet er godkjent elektronisk og har derfor inga underskrift.

Saksprotokoll i fylkesutvalet - 29.01.2016

Innstillinga vart samrøystes vedteken.

Vedtak

1. Fylkesutvalet vil bruke dei nasjonale prioriteringane som grunnlag for å føre vidare ein regionalt tilpassa kulturminnepolitikk for Hordaland i 2016.
2. Fylkesutvalet ber administrasjonen nytte dei 4 indikatorane knytte til resultatområde 2.2. Kulturminne og kulturmiljø i statsbudsjettet for 2016 i arbeidet med regional planstrategi.
3. Fylkesutvalet ber om at det vert satsa særskilt på samarbeid med lokale styresmakter, eigarar og frivillige, og på styrking av kulturminnefagleg kompetanse i kommunane.
4. Fylkesutvalet ber om at kulturminne og kulturmiljø vert lagt vekt på som ressurs i stad- og byutvikling.
5. Fylkesutvalet ynskjer å styrke fylkeskommunen si rolle som regional kulturminnestyresmakt og få overført større ansvar etter kulturminnelova.
6. Fylkesutvalet ber om at administrasjonen arbeider vidare med å forenkle og effektivisere tilskotsforvaltninga.
7. Fylkesutvalet ber om at administrasjonen gjev dei uavslutta fredingssakene høg prioritet.
8. Fylkesutvalet ber om at arbeidet med å etablere eit register over kulturhistoriske landskap av nasjonal interesse (KULA) i Hordaland vert prioritert.
9. Fylkesutvalet ber administrasjonen legge til rette for nye prosjekt der verdiskapingsarbeidet vert utvikla som del av ei langsiktig forvaltning av kulturminne, kulturmiljø og landskap i Hordaland.